



Huw Irranca Davies MS
Cadeirydd Y Pwyllgor Deddfwriaeth, Cyfiawnder a'r Cyfansoddiad
Senedd Cymru
Bae Caerdydd
Caerdydd
CF99 1SN

15 Rhagfyr 2022

Annwyl Huw

Mesurau Rheoli Ffin

Bydd y Pwyllgor yn ymwybodol fod Llywodraeth y DU wedi cyhoeddi adolygiad o fesurau rheoli ffin ym mis Ebrill 2022, gyda bwriad o gyhoeddi *Model Gweithredu Targed* drafft yn hydref 2022 i'w weithredu erbyn diwedd 2023. Er bod agweddau ar y drefn ar y ffin wedi'u datganoli, byddai'n well gan Lywodraeth Cymru weld rheolau cydlynol a chyson sy'n parchu ein safonau bioddiogelwch uchel ac mae swyddogion Llywodraeth Cymru wedi bod yn gweithio gyda'u cymheiriaid yng ngweinyddiaethau eraill y DU. Fodd bynnag, nid yw'r *Model Gweithredu Targed* wedi'i gwblhau a'i gytuno gan weinidogion eto.

Rwyf heddiw wedi hysbysu'r Senedd mewn datganiad ysgrifenedig [Datganiad Ysgrifenedig: Rheoliadau Mesurau Rheoli Ffin | LLYW.CYMRU](#) fy mod yn bwriadu gosod **Rheoliadau Rheolaethau Swyddogol (Estyn Cyfnodau Trosiannol) (Diwygio) (Cymru) 2022 ("Rheoliadau 2022")** cyn toriad y Nadolig. Bydd yr offeryn statudol hwn sy'n darparu estyniad pellach i'r cyfnod graddoli trosiannol yn caniatáu i Lywodraeth Cymru barhau i weithio gyda gweinyddiaethau eraill y DU i gwblhau a gweithredu *Model Gweithredu Targed* y ffin, er mwyn sicrhau system gydlynol, effeithiol ac effeithlon o fesurau rheoli.

Yn ogystal â'r estyniad hwn, fe wnaethom gynnig i gyflwyno gofyniad i rag-hysbysu ar gyfer cynhyrchion penodol sy'n cael eu mewnfario i Gymru o Weriniaeth Iwerddon. Rwyf wedi gwrandao'n ofalus ar yr adborth, yn enwedig y pryderon a leisiwyd gan randdeiliaid ynglŷn â'r amser sydd ar gael cyn 1 Ionawr 2023 i baratoi. Felly, rwyf wedi penderfynu gohirio cyflwyno'r gofyniad i rag-hysbysu ar gyfer y categorïau hyn o nwyddau SPS tan yn ddiweddarach yn 2023.

Ein hamcan yw i holl fewnforion yr UE fod yn ddarostyngedig i'r un gofynion rhag-hysbysu, er mwyn i ni dderbyn yr un wybodaeth hanfodol â manau eraill ym Mhrydain Fawr. Bydd hyn yn diogelu ein bioddiogelwch, yn cynnal safonau diogelwch bwyd, ac yn golygu ein bod yn gallu sicrhau bod modd olrhain cynhyrchion sy'n dod i mewn i'r wlad. Bydd hefyd yn ein helpu i gynllunio seilwaith a gweithrediadau rheoli ffin, a bydd hynny yn ei dro yn helpu i sicrhau bod mesurau rheoli ffin yn cael eu gweithredu'n esmwyth yng Nghymru.

Canolfan Cyswllt Cyntaf / First Point of Contact Centre:
0300 0604400

Bae Caerdydd • Cardiff Bay
Caerdydd • Cardiff
CF99 1SN

Gohebiaeth.Vaughan.Gething@llyw.cymru
Correspondence.Vaughan.Gething@gov.wales

Rydym yn croesawu derbyn gohebiaeth yn Gymraeg. Byddwn yn ateb gohebiaeth a dderbynnir yn Gymraeg yn Gymraeg ac ni fydd gohebu yn Gymraeg yn arwain at oedi.

We welcome receiving correspondence in Welsh. Any correspondence received in Welsh will be answered in Welsh and corresponding in Welsh will not lead to a delay in responding.

Rwyf wedi cael trafodaethau adeiladol gyda Llywodraeth y DU ar y pwnc hwn yn ystod yr wythnosau diwethaf a byddaf yn ceisio cytuno ar ddyddiad gyda nhw ar gyfer cyflwyno'r gofyniad i rag-hysbysu ar gyfer cynhyrchion sy'n cael eu mewnfario o Iwerddon.

Hoffwn gadarnhau'r dyddiad hwnnw cyn gynted â phosib yn y Flwyddyn Newydd er mwyn rhoi digon o rybudd i fusnesau am unrhyw newidiadau yn y dyfodol. Rhaid i mi fodd bynnag nodi bod hwn yn parhau'n fater datganoledig ac os oes angen, bydd Llywodraeth Cymru yn gweithredu'n annibynnol i ddiogelu ein bioddiogelwch ac iechyd pobl, anifeiliaid a phlanhigion yng Nghymru.

Yn gywir,

A handwritten signature in black ink that reads "Vaughan Gething". The signature is written in a cursive, flowing style.

Vaughan Gething AS/MS
Gweinidog yr Economi
Minister for Economy